

## მარხვის დაწყების წინ, პატრიარქი სასულიერო პირებსა და მრევლს მიმართავს



28 ნოემბერს მართლმადიდებელი მორწმუნეებისთვის შობის მარხვა იწყება, რომელიც 7 იანვარს, მაცხოვრის შობის დრესასწაულზე დასრულდება.

ამასთან დაკავშირებით, დრეს, სრულიად საქართველოს კათალიკოს-პატრიარქმა უწმინდესმა და უნეტარესმა ილია მეორემ სასულიერო პირებსა და მრევლს მიმართა:

“28 ნოემბერს, იწყება საშობაო მარხვა, რომელიც 7 იანვრამდე გასტანს.

ამ მარხვაში 25 დეკემბრის ჩათლით დაშვებულია თევზი (ოთხშაბათის და პარასკევის გარდა).

ეპიდემიის მიზეზით შექმნილი ვითარების გამო, სასულიერო პირებს ეძლევათ ლოცვა-კურთხევა, იკონომიის წესით, საჭიროებისამებრ, მისცენ ნება მორწმუნეთ რძის ნაწარმის გამოყენებისა და არ შეუქმნან მათ დაბრკოლება წმ.ზიარების მისაღებად.

ასევე ვთხოვთ მრევლს, გააძლიერონ ლოცვა და, ყოველდღიური ლოცვების გარდა, დამატებით წაიკითხონ მე-3, 26-ე, 102-ე და 145-ე ფსალმუნები.

ღმერთმა დაგლოცოთ და გაგახაროთ.

მარხვა სინანულისა და შობა სიხარულისა გაგვითენოს უფალმა, ამინ!” – ნათქვამია

პატრიარქის მიმართვაში.

— [dogma.ge](http://dogma.ge)